

中國宗教歷史文獻集成續纂委員會續纂

卷之五

民間寶卷

中國宗教歷史文獻集成之五

民間寶卷

中國宗教歷史文獻集成編纂委員會編纂

民間寶卷

第四冊

黃山書社

图书在版编目(CIP)数据

中国宗教历史文献集成. 104, 民间宝卷/周燮藩主编; 濮文起分卷主编. - 合肥: 黄山书社, 2005.
10

ISBN 7 - 80707 - 295 - 4

I. 中… II. ①周…②濮… III. 宗教 - 史籍 - 中国 IV. B929.2

中国版本图书馆 CIP 数据核字(2005)第 117858 号

民間寶卷第四冊目次

佛說彌勒古佛尊經一卷	清刻本		一
家譜寶卷上下二卷	上卷舊抄本 下卷民國石印本		一四
佛說家普寶卷一卷	舊抄本		五〇
佛說八牛寶贊一卷	舊抄本		八七
定劫寶卷一卷	民國抄本		一一五
古佛當來下生彌勒出西寶卷一卷	清刻本		一四四
承天效法后土皇帝道源度生寶卷一卷	明刻本		一七七
銷釋白衣觀音菩薩送嬰兒下生寶卷上下二卷	明刻本		二四四

靈應泰山娘娘寶卷上下二卷

明刻本

.....三四五

泰山真經上下二卷

清刻本

.....四四四

護國佑民伏魔寶卷上下二卷

明刻本

.....四八五

清源妙道顯聖真君一了真人護國佑民忠孝二郎開山寶卷上下二卷

明刻本

.....五八四

清刻本

佛說彌勒古佛尊經一卷

彌勒下生經序

夫人自下生以來。莫不各具一佛性。卽莫不各有一無字真經。惟悟道脩眞者。默念無字骨髓真經。而親觀彌勒古佛。昔大慈靈感觀世音。頭上頂戴彌勒佛。口中常念波羅蜜。醉菩提。坐看彌勒空中戲。閒向毘盧頂上眠。一切諸佛。及諸佛阿耨多羅三藐三菩提。法皆從此經出。今世人所以不能見佛者。緣以衆等。尙於身日不捨結習。行煩惱業。由是障故。不能得觀。是佛慈顏。且因曠劫以來。縱無明性。造十惡業。六塵。

三佛染三業。繫纏陰罪。陽過日積。月深。釀成小抽大抽。變擾人倫之劫。是以彌勒古佛慈悲憐憫。命玉佛代佛下生。救劫度人。但教衆生一心念佛。常依本分。忠孝君親。總教成佛。縱有兵戈劫難。玉佛護持。迨至彌勒古佛當來下生。天雨黃金白米。一切寶物。散滿世界。個個脩行人。人念佛。令人長壽。上與三天一同受記。豈不與玉祖同昇無極之天。以親觀彌勒古佛也哉。

佛說彌勒古佛尊經

佛說這本經出現在山西平陽府岳陽縣王家庄。忽的一聲雷響。石內崩開。現出彌勒尊經一卷。傳與天下人民抄寫供養。不許隱藏在家。有人不傳。天降大災。罪亦非輕。如命在劫。彌勒尊佛真經一卷。出在桑樹下。顯現閻浮衆生。遭末劫之年。今有大羅仙下界。若有善男信女。誠發虔心。抄寫送傳。寫經之人。大吉大利。抄寫一本。免一身之災。若有男女不信。吐血而死。化膿而亡。若有上等人。智慧君子。虔心抄寫。諷誦真經。可免末劫之難。又免一身之災。急急抄傳。

千人者。免末劫之難。又免疾病瘟疫之苦。可勸人民口口念佛善哉。善哉。如有不信。災禍臨身。但看五月十一日。有飯無人喫。有路無人行。處處盜賊生。煙狼虎滿山。大雨狂風人愁。五七月大雨連天。善男信女。卽設淨供。焚香禮拜。讀誦此經。可免末劫。三月大災。水火消滅。可免末劫之苦。有不向善之心。從何而來。彌勒尊佛之言。如有善信。看誦真經一家。信受者。免一身之災。若勸十家。信受者。免全家之災。今年八月朔一日。十殿閻君下界。鑒察善惡之家。有經者。免惡。

禍之災。增福增壽。大吉大利。合家大小無事。無非
彌勒尊佛。此經受持供養。保佑人口清吉。還要知恩
報恩。勸化天下衆生。

十字佛偈

想當初	吾掌教	劫數圓滿
將佛印	交與你	古佛燃燈
退了位	還了原	自回天界
掌九劫	三葉蓮	古佛當行
將寶經	隱藏在	山西晉地

平陽府	岳陽縣	王家庄村
桑樹下	石頭裏	此經藏隱
雷霹靂	響一聲	現出此經
上寫着	中華的	萬歲知道
普天下	衆黎民	皆要修行
傳乾道	和坤道	一齊修善
一處處	賊盜生	血地平淋
虎狼走	滿山川	緊雨狂風
五六月	洪水流	青虫遍生

喫的是	田禾苗	枝葉不見
到八月	初一日	十王下臨
有經者	定免了	一家災難
鑒察看	善惡家	有經無經
若無經	降惡災	罪過不少
每一家	抄一本	供養真經
保家眷	無災禍	人口安泰
曉諭你	普天下	男女知聞
信此經	行遠路	定不遭劫

勸大衆	急速來	抄寫明心
設齋供	誦真經	諸災通免
下等人	不信受	隄防惡病
胸頭上	護心病	殘生送了
天差下	五瘟神	瘟氣普侵
傳彌勒	祈瘟神	古佛言語
一庄村	好景界	男女知聞
善男女	得真傳	遇佛免難
有十愁	也不愁	便是太平

奉勸大衆仔細聽 喫齋念佛免災星

男女不聽佛言語 惡病纏身見閻君

一愁水火刀兵死 二愁人間絕煙火

三愁疾病瘟瘧死 四愁男女不團圓

五愁天下人民亂 六愁有路無人行

七愁滿山虎狼走 八愁晝夜不安甯

九愁遍地好人稀 十愁不見太平春

全家不信瘟瘧死 信者之人福滿門

路上惡人都死盡 積善之家保安全

不信過年三月看 家家戶戶哭皇天

抄寫一本免災難 善男信女不須驚

抄寫之人增福壽 合家不是劫中人

彌勒下生經

香讚

香纔蕪芬芬寶鼎中。旃檀沉乳真堪奉。香煙繚繞蓮

花洞。諸佛菩薩下天宮。清涼山羅漢來受人間供。

南無香雲蓋菩薩摩訶莎 三稱

南無彌勒尊玉經

南無彌勒尊寶玉詔囑咐玉佛下生度人真經

彌勒授記品第

爾時彌勒尊佛與釋迦牟尼佛三世以來爲親

兄弟同修大道同證菩提無上正覺十號具足萬億

周身三世以來大功成就彌勒佛爲兄釋迦佛

爲弟大道正覺俱以成就彌勒圓滿酒自商議誰

先治世普度衆生於是同盟而日大定鑒錫於前若

錫杖上先開花者先當治世后開花者后當治世同

誓言訖乃鑒錫座前各敷定席已定瑞花彼時釋迦

入定一日私目視錫自錫之上只有五色毫光不曾

開花若彌勒佛龍杖之上先開了花其花紅色正當

龍口之中如日初昇光照天下三界皆見當時見彌

勒佛正該大定乃輕輕移去龍花安在金錫之上復

來大定及三日之后同開正眼金錫之上龍華色滅

紅光潤白彌勒世尊微笑曰我雖在定天眼亦

見吾弟偷移龍花且花顏色不悅光明減少今將世

界付汝管治惜乎不能全美三千年間人民富貴苦

樂不均五谷少登國土爭競四方不甯盜賊常生邪

神自然百怪交加人民受苦三千年后吾當自來說法於無量光照内外皆明現未曾有之祥瑞乃集大衆天帝釋迦諸天大聖一切雷神金剛護法俱來齊會敷座彌勒尊佛乃告大衆吾今直上三十三天之上三千年後吾當下生方來說此龍華正法普度人天是時大衆拜告不已惟願世尊大捨慈悲早來下生救度衆生若待三千年後衆生人民受苦臨時五百一小抽人倫一千一大抽人倫至五百抽換人倫之際末劫將至衆苦皆生恐五谷少受百怪

聚黨妖異成羣及二千五百年后正當下元之候人民難過惟願早早下生莫待三千年後觀音菩薩與諸大衆請降不已長跪不息哀告世尊早早下生救度衆生末劫離諸苦難是時彌勒尊佛未曾見許座中有頭陀尊者乃是世尊上首弟子神通第一功德無雙十號將成妙行圓滿身有毫光無量無邊從中道出禮拜世尊言二千五百年後末劫正當人心頑惡不信正道故天遣魔王抽換人倫疾厄刀兵水火災荒一切皆至我佛不肯下生

到彼之時願代如來下生救度五百年末劫若衆生有緣之人盡皆留取以待如來親下生之時世界太平萬民和樂君臣喜慶父子相親人心皆善即請世尊下生人間於國王身爲太子脩正菩提度設龍華正法普度人天一切有情總皆成就是時世尊問上首弟子發此善信代佛下生開化救度對大衆前乃爲頭陀尊者受正覺記曰汝於當世現名玉佛十號圓成具大功德不可思議當與我同名同號同度衆生了此誓願吾當彼時亦化炁與子同去同行以成子之上願子之功德合禮三天萬法主玉相慈尊萬萬億化身九皇上帝當合住世彌勒尊佛是時佛與授記大衆咸喜一時皆禮世尊聞玉佛之記以蒙授記我諸萬億菩薩弟子賜以救言脩心以候是時世尊乃告菩薩諸佛弟子龍天善人一切聖衆曰玉佛下生之後上元之中當元之末寅卯之年汝等大衆皆得圓成正覺待吾下生次第皆授龍華大會之記普令次第作佛次第下生宣吾正法行吾正道普證圓明是時大衆聞佛

所說百禮長跪讚嘆

如來瞻仰不已

請佛下生品第二

爾時彌勒尊佛與諸大衆授正覺記已將告大衆。卽便上昇。是時五百天子作諸天樂來迎。世尊以布袋收藏世界。卻令玉佛坐布袋中。乃囑咐曰。我今與弟子同上三會。布袋若開。子當出世。只見五色祥雲四起。紅蓮捧定守護天王。八大金剛。五方雷將。萬萬天神。天男。天女。天親。萬億菩薩。五百弟子。左右護

從。仰觀一時之間。上昇兜率宮中。是時玉皇放無量毫光。天祖元始至尊。亦放無量光明。相和一體。一切諸天上帝。諸天子。諸天丞相。諸天神聖。天王。妃。天男。天女。天神。皆來慶會禮拜。世尊圍遶行道。步虛歌詠。朝禮世尊於百寶中宮。紅蓮座上。放無量神光。天花亂墜。異香紛馥。與諸天大衆演說無量至尊。正覺妙道大乘之法。普天大衆一切皆於世尊之前。得正法眼。得正法身。得成正覺。得歸正道。享受無窮。於是大衆乃請世尊與慈氏如來同居內

院諸天大衆自此皆成正道。拜念聖號。脩行大乘。圓明正覺。無上妙道。是時世尊入於內院。諸天大衆萬花座上。鑒錫於右。頓囊於左。入大乘正覺之定。忽然金鐘自鳴。玉磬自振。世尊乃開法眼。忽聽諸天音樂亂奏。良久之間。天使三人來詣佛前。長跪而曰。三千年限。今將滿已。請佛下生。救度羣迷。末劫之難。

玉皇有詔。依奉諸天使乃退之。

囑咐玉佛品出第三

爾時彌勒尊佛開布袋。放出乾坤。玉佛出定禮拜。世尊佛言。子曾發願代吾下生。今此之時。玉帝詔臨。汝當下生。是時玉佛且喜且憂。上告世尊。教我下生。如何處應。時當末劫。衆生頑愚。惡黨如何治之。如何教之。如何化之。如何救之。願聞其詳。指教弟子。世尊乃言。適承天詔。開而見知。人當抽換之時。天道魔王下世。抽換一切惡黨。皆是具天玉皇惠光聖目親眼所視一切世間僧道官吏人民。不忠。不孝。不公。不法之過。今當除惡留善。抽除之。

際汝去之時有存善者有改過者悉皆留之皆與救護如惡不肯改一片無善之人救之不得刀兵水火饑荒厄難疫癘毒害而盡滅之也玉佛白言如何是惡極可滅願求分解世尊告玉佛言吾今與汝就此上開玉詔普放毫光照耀下方一一從玉詔中觀其條畫所有惡者天遣魔王靈官錄其名字今當滅除普籍載之汝當下生見成功案是時世尊與玉佛同開法眼正法令行悉係魔王所錄初見僧道住居名山處於華廈畫棟雕梁硃臺漆椅穿不蠶之衣喫不耕之飯受免糧之田享清閒之福上除祖先之姓次別父母之恩全無片善視若公務或姦於骨肉親房或淫於客佃朋友占其母淫其婦殺其夫醜及其宗親如此殺性祭祀食肉飲酒無厭亦有爲盜爲商賈詞告訟恃其言勢全不脩行當此抽換大半子於下世若能回心念佛孝順雙親持齋脩行曾脩片善者悉與護持免致除滅次復觀見一切官吏不務清廉惟利是圖百般局段殃害良民以曲作直以直作曲不忠不孝不廉不明如此之人皆當抽去

子於下世若有片善於身陰功於子改心悔過來入正宗念佛五聲罪消福長悉與護持毋致除滅留候太平以受安樂次復觀見一切富豪恃其頑黨欺負善人大斗量入小斛與人高抬時價騙駭良民利中生利累倒小民不知艱苦全無慈悲受享安閒不信大道不信佛法不知厭足富而越貪謀人田地占人子女笑人脩善侮謗神明日思夜算全無善念今當抽去若有片善之功可堪留取子當護持悉與留之次復觀見一切貧窮不依本分不肯固窮不孝父母不友兄弟盜財竊取有借無還作賤五穀怨天恨地不思前生未及脩來今生貧困強求不得只管心貪不信天地不信吾法不信報應欺善怕惡皆當抽去了於下世有回心向善改過自新念佛五聲曾有寸善天因皆與護持若在刀兵鎗刀之下不損若遭病患輕過便安不死悉令住世賜以和平候享太平受其安樂又見世間爲士之人輕義造罪笑侮風雷不明天理枉得聰明不發善念不信真佛不從大道乃祀邪神又見農民作惡罪貫滿盈以致天遣水旱相

侵仍不從禱善於天。乃向邪神所祝。又作諸般之惡。反遭種種之災。永不思量。終身不悟。又見爲工藝之人。百般功段。私害良民。又見爲商旅。不直以假爲真。長短秤尺。大小斗升。當面三般買賣。百樣機關。欺懦弄善。動手瞞眼。又見茶房酒店。三般買賣。饒與精細。少與愚人巧計。百般可憾。可惡。又見公吏弄法舞弊。殃害良民。百般生事。又見女子聚眾。亂行邪弊。愚人不悟。損財喪身。此等賤婦。百般迷人。害人性命。無有厭足。又見惡人殺戮牛馬。騙罵害人。又見軍

人倚恃軍勢。欺撻良善。挾財取物。百般欺因。一切善人。又見軍兵出征之際。途路之間。枉行打奪。收卷人財。故殺善良。損壞家器。又見惡人百般謀計。屈騙善良。名曰白占。又見有人不悟夫妻父母累世脩來。拋棄落髮。脩行求道。未得其功。先造其罪。又見世人不依本分。將財物作諸禮供養。木雕泥塑神佛。祈求功德。如此全無片善。必悟忠孝。必依本分。求福無邊。不如斯。又見世人不顧父母。遠去他方。自娶妻妾。求名求利。不知回頭。如此等人。悉皆抽去。吾子下生時。

若有片善寸功。回心念佛。一切皈依。悉與護持。救度全生。不遭諸難。

掃滅邪神品第四

爾時。彌勒尊佛。囑咐玉佛。又見世間。神壇社廟。皆是枯木石精。蛇虫狐兔。犬馬牛羊之精。金石器皿之妖。受其祭祀。專一害人。敗人家器。又見日下一切五鬼野精。專一害人。又見大廟神祠。黨庇小怪之姦。害人不。弄犬調雞。放光滴血。淫人婦女。橫取男女。傷人性命。偷打牛馬。殃害生靈。百怪爲禍。令差八部。

五方蠻雷。三十六位雷將。王馬二靈官。三元上將。鄧辛張三帥。掃滅不可留之。又見大小神祠之怪。阻隔風雨。興作旱災。乾死五谷。魔壞人民。水中龍蛇龜鱉之精。龜鼈魚鱉之怪。螺蛤蚌鰍之妖。擅興久雨。橫漲江河。浸死五谷。損害人民。三年兩旱。故今天地差雷神護持。子去可差雷霆。一切勦滅。頓令風雨調順。民安國泰。又見大廟之神。嶽庭之將。受不堪之祭。故意保護惡人。前去作諸惡事。殃害人民。悉皆除去。不可祭之。又見釋迦之教。三千年戒爭差。致令天師相效。

亦有五戒之教。爭差亦當投改。毋令依舊。又見冥司治鬼。械人之所。多因變現。以鋸。斲。春。煅。刑。戮之枷。梏。化現。憐。懂。之。水。食。令。鬼。食。之。不。記。前。生。善。惡。出。世。爲。人。爲。畜。爲。虫。爲。物。不。知。是。惡。人。之。身。此。又。不。記。諸。惡。孽。造。如。山。今。后。又。入。地。獄。受。諸。辛。苦。去。來。來。有。何。了。日。今。當。一。切。掃。除。但。教。衆。生。一。心。念。佛。常。依。本。分。忠。孝。君。親。總。教。成。佛。不。用。地。獄。冥。司。所。屬。令。行。超。拔。出。離。幽。冥。將。此。幽。冥。之。地。化。爲。清。淨。之。鄉。又。見。人。間。既。生。以。來。爲。人。在。世。不。忠。不。孝。不。依。本。分。不。懷。仁。義。

造種種罪。以致生病。卽將年月日時。令人推算。言有星辰。爲刑尅者。朕今奉玉皇勅旨。令諸天星。教化衆生。念佛存心。忠孝仁義。便是脩行。一切天星。不敢爲禍。又見世間。自吾昇之後。口唱神煞之名。一百二十專占方隅。又占年月日時。因而有之。今又教人念佛五聲。此神皆滅。卽係鬼數。有不伏者。差雷勦之。二十四向常利。年月日時。百無禁忌。又見世人。揀擇山水奇秀者。福。凶逆者。禍。今又教人修造埋葬。念佛五聲。風水調順。山頭和暢。永保平安。又見人間夫婦男

女。或會親之時。有多神煞。專一害人。今又念佛五聲。永無刑尅。夫妻偕老。又見人家行喪之時。喪前喪后。有何神煞。人死之時。有何神煞。今後人死。念佛燒香。亡者生天。並無神煞。行喪之時。大吉大利。永賴平安。神煞等鬼。火速歸空。如有不順者。差天雷滅其形跡。又見天曹錄人。問善惡。勞心報應。不得清閒。今後化人念佛。教人燒香。各依本分。脩行。毋勞天筆。一切天官。亦當各脩正道。永享清閒。昇而再昇。上而再上。永受天福。請免勞神。一切十方諸佛。從此清閒。皆

得功德圓成。莫向人間費力。今日皆成正覺。上昇諸天。受無量福。又見世間。一切龍神列聖。主宰明仙。各悟本性。護持吾教。化度衆生。享和平之福。圖成正覺。同證佛覺。不得懈怠。又見世間。九祖先亡。名墮幽冥。故今教衆生。念佛燒香。超昇天界。一切孤魂墮落。可憐念佛之時。超拔出離。悉令快樂。如上囑咐。諸依奉行。

五佛諸問品第五

爾時玉佛上白。世尊得蒙囑咐。一一奉行。我今

以何年月日時下生。世尊曰：汝奉玉旨，卽當下世。玉佛曰：有何龍神同我下生？世尊曰：二十四位諸天護持。你去須有磨難，管取不妨你要耐守。玉佛曰：如何救得一切人民？世尊曰：廣行法水，普救衆生。一切龍神自來感應。玉佛曰：如何救得君王，皈向正法？世尊曰：我差天星次第下生。你到彼時，卽來聚會，因汝教化。你今下生，先向刀兵之中救度。彼離刀及箭鏃，次向病苦之中救度，不遭疫疾，復害。吾囑咐天差之魔衆，既奉天命，抽換人倫，若有念

吾名號，回心向善之人，悉皆饒免。若有不從，天雷滅之。亦聞玉佛之名，皆當稽首念佛，毋得悖逆。一切魔王同聲皈命。世尊曰：惟命是聽，不可有違。子今可去。一切龍神大衆隨子下生。子生之後，記取吾言。善化衆生，耐煩耐煩。候吾親下生，子證上果子。子孫永享富貴。一切眷屬皆作天人。天下太平。四季長春。人民樂業。待聖人正中治世之時，吾親下生。同登主位，同度衆生。同出正教，普慶無窮。玉佛曰：我代世尊下生，如何改正？世尊曰：當此之時，先令子於吾

下生後成佛說法，要令一切世間無益于人害人之物，盡皆除去。只留有益世間之物。虫蛇虎狼狐狸猴兔蜈蚣蠅蚊蚤虱毒物，悉皆除去。令世間人享此安樂。此係釋迦偷花之根，故致有之。釋迦所管饑饉貧窮富貴尊卑，致爲盜賊，是人心不直，須立許多戒律。又令官刑地獄，皆化不善。次又立書教人，亦化不善。此係偷花之根。今後吾當下生，先將布袋中一切寶物散滿世間。令八金剛開人天主八仙一切寶庫拋散世間。一切持世相與言曰：昔日之人因貪一切物，

致傷性命，隨守園圃。今蒙我佛之恩，遍地皆寶，如以香花供養天地自然。家家富足，自然處處和平。世間人民受三千年苦。吾下生後，當令天雨黃金白米。五朝十日，又令易地自然飽滿，得此受用。又令一切世間無益之草盡皆除去。遍山遍地皆生可養之谷。早萌早生。一任人民受而食之。又見一切世間無益之木，盡皆除去。遍地高卑所生樹木，皆有果食。大而如斗，小而如升。令人食之，養人紅顏，延人壽命，不病不夭。其味甘美，食之一飽，數日不饑。又令一等棉帛

之樹其葉且長柔軟如絹可作衣服一任人民取而用之無寒無暑無貧無富人端正個個清奇不淫不娼不戲不亂個個脩行人人念佛令人長壽自有三萬九千之歲身形長大生而能行到此之時思衣得如意之衣從空而至任意穿着想食得甘美之食自然而然而一飽任足大地如同天上與三天一同受記不生不滅愈多愈廣世無濁氣噴地馨香他方世界一切人民皆念吾名願生吾國當此下生之後主張勸化一切人民悉皆盡度吾當回奏天祖至尊

玉祖昇無極之天享無邊之福自此之後一切之事奇妙難量不可思議不可與說玉佛玉佛汝且先去吾自親來佛語至誠無有虛妄信受奉行

玉經功德品第六

爾時世尊囑咐玉佛之記天祖大喜玉皇歡欣無量諸天上帝上聖高真圓滿十方一切諸佛諸大菩薩天龍雷神諸天聖眾皆大歡喜圍遶讚嘆燒香散花供養慈尊此經傳與下世當令一切眾生得聞此經即便皈依正法願見世尊願逢此經我等

十方聖眾亦當見世尊成就法界之樂芳此濁世一切人民得聞此經萬罪俱消得生人世脩心自善終後得見世尊成就樂境皆為天人受此快樂一切孤魂聞此玉經功德一一復生不失好人之身果見世尊成就樂境一切世人得聞此經書寫一本受持讀誦當得善因乃至佛道一世受持不倦得免三災大難終見樂境一切世人有能印施百本必證佛果若脩心正直本分以成正覺若一切人向此經中求男得男求女得女一切魔王聞念此經形影消滅

不敢為形一切土神等聞誦此經歸空不現得大吉利一切苦病聞誦此經即得安樂若人供養一本九祖生天其功德不可稱不可量不可思議我諸大眾禮拜世尊作禮而退是時東方阿閼佛大明佛大光佛日月佛燈光佛光王佛南方熾盛佛神通光佛救苦佛至聖尊佛西方阿彌陀佛無量壽佛無量光佛大慈聖佛北方自然壽佛長生尊佛延生七佛延壽六佛大安光佛中央有清淨佛萬壽至明佛白玉尊光佛黃金相佛下方世界三元佛七千二寶佛三